



**DET KONGELEGE
KOMMUNAL- OG REGIONALDEPARTEMENT**

KOPI

Destinasjon Voss AS
Vangsgata 20

5700 VOSS

Dykkar ref

Vår ref
11/1313-12 KON

Dato
25 OKT 2011

**Statsbudsjettet 2011 – Kap. 552, post 72 Nasjonale
tiltak for regional utvikling – Tilsegn om tilskott på
inntil kroner 1 450 000 til Destinasjon Voss AS – Ski
heile året – Bulyst 2011**

Tilsegnsnummer: 11203010.

Vi viser til

- Utlysing av bulystmidlar på www.regjeringa.no/bolyst
- Søknad frå Hordaland fylkeskommune av 16. mai 2011.

Kommunal- og regionaldepartementet (KRD) gir med dette tilskot på inntil 1 450 000 kroner til prosjektet Ski heile året, som er eigm av Destinasjon Voss AS. Prosjektet kan ikkje rekne med ytterlegare medfinansiering frå KRD.

Målet med bulystsatsinga

Målet med satsinga på bulyst er å vidareutvikle kunnskap om korleis lokale og regionale utviklingsprosjekt skapar bulyst og attraktive stader. Dei 44 prosjekta som er valde har ulik innretting, ulike tema og stor geografisk spreiing. Dette viser breidda og variasjonen knytt til omgrepene bulyst. Vi er opptekne av at bulystsatsinga skapar læring, merksemeld og engasjement rundt lokalt og regionalt utviklingsarbeid.

Departementet vil oppfordre fylkeskommunane til å ta ein rådgjevar- og

støttespelarfunksjon for dei utviklingsprosjekta som no får støtte gjennom bulystsatsinga. Vi ser fylkeskommunane som ein helt sentral nettverksbyggar og regional tilretteleggar for lokale prosjekt. Med utgangspunkt i fylkeskommunane si rolle som regionale utviklingsaktørar er det naturleg at dei tek støttespelarrolla for prosjekta. Vi ønskjer at fylkeskommunane inkluderer dei som har lokalt prosjektansvar for bulystprosjekta i sitt arbeid med regional utvikling.

Kompetansesenteret for distriktsutvikling (Distriktscenteret) har ei sentral rolle i arbeidet med bulyst, både når det gjeld kunnskapsbygging og formidling.

Prosjektansvarlege bør også bruke www.distriktscenteret.no. Det er ein viktig portal for å finne erfearings- og forskingsbasert kunnskap frå andre satsingar og prosjekt.

Vi gjer dykk spesielt merksame på at Norsk senter for bygdeforskning har utarbeidd ein rettleiar i lokal samfunnsutvikling. Rettleiaren er utarbeidd som ein del av følgjeevalueringa av den nasjonale småsamfunnssatsinga, som blei gjennomført av KRD i perioden 2006-2009. Rettleiaren kan lastast ned via følgjande lenkje, <http://www.regjeringen.no/upload/KRD/LUK/Fagstoff/Veilederilokalsamfunnsutvikling.pdf>. Vi håper at rettleiaren kan kome til nytte i dykker vidare arbeid, og papirutgåva er derfor også lagt ved dette brevet.

Erfaringsoverføring og læring er ein viktig del av bulystsatsinga. Representantar for prosjektet må difor vere villige til å delta i evalueringar og på eventuelle nettverkssamlingar for å presentere prosjektet og dele kunnskap. Kunnskapsdeling kan skje både mellom dei ulike pilotane, og frå pilotane til Kommunal- og regionaldepartementet og Distriktscenteret. Vi ønskjer at prosjekta skal vere synlege, både lokalt, regionalt og nasjonalt.

Mål for prosjektet

Prosjektet tar utgangspunkt i ei satsing på skiturisme heile året som ein drivar for bulyst i distriktskommunane Voss, Jondal og Odda i Hordaland. Prosjektet er eit samarbeid på tvers av etablerte destinasjons- og kommunegrenser. Ved å lage eit breiare aktivitetstilbod blir stadene meir attraktive både for turistar og eigne innbyggjarar. Prosjektet understøtter samanhengen mellom den gode bustad og det gode reisemål.

Målsettingar for prosjektet er:

- Bidra til at fleire born og unge søker naturbaserte aktivitetar gjennom aktivitetar på ski
- Bidra til å skape lokal entusiasme for lokale tilbod
- Bidra til at lokale tilbod også vert ein drivar for auka turisttrafikk som igjen sikrar betre tilbod for lokalbefolkninga
- Gjere bygdene til meir attraktive og aktive stader å bu gjennom auka aktivitet og fleire møteplassar

- Erfaringsutveksling mellom destinasjonane, både når det gjeld arrangementsavvikling, marknadsføring og profilering.

Kostnadsoverslag

Prosjektet har eit totalbudsjett på 4 992 000 kroner. Kommunal- og regionaldepartementet gjev tilsegn om inntil 1 450 000 kroner over kap. 552, post 72. Dette kostnadsoverslaget ligg til grunn for tilskotet (inkl. mva):

Voss		
1	Regional team	550 000
2	Skiline	600 000
Folgefonna		
3	Vinterarbeid	800 000
4	Kveldsopen kafe	100 000
5	Snø i sentrum	80 000
6	Utsiktspunkt	32 000
7	Internett	30 000
Røldal		
8	Røldal ned og opp	500 000
9	Røldalsmarkn&pilgrimsandr.	300 000
10	Informasjonsprosjekt	100 000
Felles		
11	Leiing adm av hovudprosjekt	1 900 000
SUM		4 992 000

Vi gjer merksam på at midlar over kap 552.72 ikkje kan nyttast til investeringar i bygningar eller anna fysisk infrastruktur. Tilskotet skal som hovudregel ikkje nyttast til investeringar i utstyr. Unntaket er mindre investeringar som er avgjerande for gjennomføringa av aktiviteten. Tilskot til utstyr skal normalt ikkje overstige 10 pst. av prosjektkostnadane. Sjå retningsliner for posten på www.regjeringen.no/krd/retningslinjer.

Høvet til EØS-regelverk

Tildelinga av støtte skjer i samsvar med reglane for bagatellmessig støtte, jf. Kommisjonsforordning (EF) nr 1998/2006 av 15.12.2006 om anvendelse av EF-traktatens artikkel 87 og 88 på bagatellmessig støtte, publisert i den Europeiske Unions tidende 28.12.2006 nr L 379. I følgje desse reglane kan tilskotsmottakar ikkje ta imot meir enn til saman 200 000 euro (om lag 1,6 mill. kroner) over eit tidsrom på tre rekneskapsår. Tilbodet om støtte frå KRD føreset at ein ikkje kjem i konflikt med nemnde reglar. Før støtta kan utbetalast må tilskotsmottakar stadfeste, skriftleg eller elektronisk, anten at det ikkje er motteke tilbod om anna bagatellmessig støtte i inneverande og dei to føregåande rekneskapsår, eller i tilfelle slik støtte er motteke, størrelse på beløpet, støttekilde og tilbodstidspunkt. Ved eventuelle nye søknadar om

offentleg støtte, uansett støttekilde, har tilskotsmottakar plikt til å opplyse om denne støtta. Opplysningsplikta gjeld i tre rekneskapsår frå tilbodstidspunktet.

Vilkår for utbetaling av midlar:

1. Destinasjon Voss AS må innan 20. november 2011 stadfeste overfor departementet at det er aktuelt å gjennomføre prosjektet, og at tilskottet vert motteke på vilkåra i dette brevet. Prosjektarbeidet må ikkje settast i gang før den samla finansieringa er på plass. Tilbakemeldinga til departementet må også innehalde opplysningar om kva kontonummer pengane skal overførast til.
2. Prosjektet kan gjere mindre opprioriteringar og justeringar dersom dette er gunstig for å nå måla i prosjektet. Større endringar, som medfører endringar i prosjektet sitt totale budsjett, må godkjennast av departementet.
3. Det skal førast spesifisert rekneskap for arbeidet. Rekneskapen skal settast opp slik at utgiftene kan samanliknast med kostnadsoverslaget som ligg til grunn for tilskottet. Dersom arbeidet ikkje blir utført i omfanget de har skildra i søknaden, eller til dei kostnader de har gitt opp i søknaden, vil departementet redusere tilskotet tilsvarende. Tilskotsmidlar som departementet har utbetalt kan også bli kravd tilbakebetalt, heilt eller delvis. Rekneskapsmaterialet skal oppbevarast i 10 år.
4. Riksrevisjonen, Kommunal- og regionaldepartementet eller dei departementet gir mynde, kan krevje informasjon frå tilskotsmottakar og sette i verk kontroll med at midlane vert nytta etter føresetnadene. Dette er i samsvar med Løyvingsreglementets § 10 og Lov om Riksrevisjonen § 12. Tilskotsmottakarar har plikt til å gje opp dei opplysningane som Riksrevisjonen, departementet eller andre som departementet har delegert kontrollmynde til, forlangar.

Rapportering og kontroll

Læring og erfaringsoverføring er eit sentralt mål for bulystsatsinga. Difor ber vi dykk legge vekt på god rapportering av prosjektarbeidet, både undervegs og med ein eigen sluttrapport.

Alle prosjekt som får støtte skal sende inn ein årleg rapport til departementet. Denne skal innehalde omtale av aktivitetar og tiltak, og gjere greie for eventuelle justeringar av prosjektplanen, både når det gjeld framdrift og aktivitetar. Sjå vedlagde rapporteringsskjema. Vi ber om at den første, årlege rapporten vert sendt til departementet seinast 24. april 2012. De finn eit eige rapporteringsskjema som skal nyttast til rapporteringa på www.regjeringen.no/bolyst. Papirkopi av skjemaet er også lagt ved dette brevet.

Utbetaling

For å få midlar må prosjekteigar be Kommunal- og regionaldepartementet om å gjere ei utbetaling (utbetalingsoppmoding).

Utbetalinga blir som hovudregel gjort i tre omgangar.

1. Departementet *kan* utbetale inntil 25 pst. av tilskottet når Hordaland fylkeskommune har akseptert vilkåra i dette brevet, og arbeidet har starta opp (førehandsutbetaling).
2. Når departementet har motteke dokumentasjon av faktiske utgifter, vert inntil 50 pst. av det samla tilskottet utbetalt (etterskotsutbetaling). Dokumentasjon av utgifter *bør følge* den årlege rapporteringa.
3. Den siste delen av tilskotet skal utbetalast når prosjektaktiviteten er fullført, og sluttrapport og eventuell revisorstadfesta rekneskap (sjå punkt 5) er sendt inn (etterskotsutbetaling).
4. Alle prosjekt skal levere sluttrapport og prosjektrekneskap.
5. I tillegg skal revisorstadfestande rekneskap leverast av:
 - a) Private tilskottsmottakarar som tek imot meir enn 100 000 kroner, jf. RS 800 Revisors uttale ved revisjonsoppdrag med spesielle føremål.
 - b) Offentlege tilskottsmottakarar som tek imot meir enn 400 000 kroner, jf. RS 800 Revisor sine uttaler ved revisjonsoppdrag med spesielle føremål.
6. Prosjektet må vere avslutta slik at siste utbetaling frå departementet kan gjerast seinast 1. desember 2012.
7. Prosjekteigar har ansvar på vegne av prosjektdeltakarane. Dette gjeld også det finansielle ansvaret.

Ved kontakt med departementet om utbetaling må tilsegnnummeret som står øvst i dette brevet nyttast. Ved utbetaling av midlar er dette nummeret gitt på utbetalingsblanketten.

Kommunal- og regionaldepartementet ber om at følgjande opplysningar blir sende til postmottak@ord.dep.no:

- Stadfesting på at prosjektet vert gjennomført og på at medfinansiering er på plass
- Behov for eventuell førehandsutbetaling
- Kontonummer og oppmodingar om utbetalingar (sjå under "Utbetaling").
- Ved store endringar i prosjektet: Ny framdriftsplan
- Årleg rapport (innan 24. april kvart år)
- Ved prosjektslutt: Sluttrapport og rekneskap i tråd med retningslinene over.

Kommunal- og regionaldepartementet ønskjer dykk lykke til med prosjektet.

Med helsing

God Sliving

Gerd Sliving (e.f.)
avdelingsdirektør

Knut Ove Nordås

Knut Ove Nordås
seniorrådgiver

Vedlegg – Rettleiar i lokal samfunnsutvikling
Rapporteringskjema bulyst

Kopi til:

Distriktsenteret - Kompetansesenter for distriktsutvikling
Hordaland fylkeskommune
Jondal kommune
Odda kommune
Plan- og administrasjonsavdelingen
Riksrevisjonen
Voss kommune